

Saksprotokoll i fylkestinget - 12.og 13.12.2017

SAKSBEHANDLING

Fylkesordfører Anne Gine Hestetun leidde møtet 12. desember.

Fylkesvaraordfører Pål Kårbø leidde møtet 13. desember.

Sakene vart behandla i slik rekkjefølgje:

- 12. desember: PS 105, 111, 106, 112 og 115/17.
- 13. desember: PS 107, 122, 117, 121, 127, 131, 132, 110, 109, 108, 113, 114, 118-120, 123-126, 128 og 133/17.

OPNING AV FYLKESTINGET – 12.12.2017

Til å skrive under møteboka saman med fylkesordføraren vart Kari Sørensen Bernardini (A) og Stein Inge Ryssdal (H) valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skrive under møteboka. Fylkestinget slutta seg til dette.

Det var kulturinnslag v/BergenStyleBombers.

Fylkesordføraren heldt opningstalen sin til fylkestinget.

Fylkesrådmannen heldt sin tale.

ORDSKIFTET ETTER TALANE

Etter talane var det ordskifte. 11 representantar hadde ordet.

I samband med ordskiftet sette **Tom Sverre Tomren (MDG)** fram slikt forslag til uttale:

«Hordaland fylkesting gratulerer ICAN med Nobels fredspris. Fylkestinget gjer samtidig ICAN merksam på fylkestinget sin uttalelse om TPNW som blei vedtatt i oktober:

«Ratifisering av avtale som forbyr atomvåpen

Den nye avtalen som forbyr atomvåpen (TPNW) blei vedtatt av 122 statar 7. juli 2017. Dette er ein klar beskjed frå majoriteten av verdens statar om at atomvåpen er inhumane og uakseptable våpen som må avskaffast.

Avtalen vart opna for signering 20. september. Allereie har 53 statar signert, og tre statar ratifisert den, men Noreg er ikkje blant desse. Når 50 statar har ratifisert avtalane, vil den etter 90 dagar tre i kraft og bli ein del av folkeretten. Hordaland fylkesting vil difor oppmoda regjeringa om å signera og ratifisera avtala.»

Tomren trekte forslaget sitt.

I samband med ordskiftet sette **Marthe Hammer (SV)** fram slikt forslag til uttale til Regjeringa, relevant fagkomité på Stortinget og Hordalandsbenken på Stortinget.

«Uttale: Det bør løne seg å gå foran

Med elektrifiseringa av ferjesambanda gjennomfører fylkeskommunen eit taktskifte i klimaarbeidet i Hordaland. Dei nye miljøvenlege ferjene vil redusere klimagassutsleppa med 90 prosent frå 2021. Miljøsatsinga på ferjer medfører dessutan halvering av fylkeskommunen sitt samla klimagassutslepp.

Det grønne skiftet har likevel ei bakside, og det er kostnaden. Dei nye ferjekontraktane har vesentlege økonomiske konsekvensar både på drifts- og investeringsbudsjettet. For 2018 aukar ferjebudsjettet med nær 50 mill. kr samanlikna med 2017. Resten av ferjesambanda får nye kontraktar frå 2020 og kostnaden vil då auka med ytterlegare 241 mill. kr.

Med elektrifiseringa av ferjesambanda har Hordaland gått foran og bana veg for ein teknologirevolusjon som både gir betre miljø, fleire arbeidsplassar og styrkt næringsliv. Hordaland fylkeskommune kan ikkje sitte aleine med denne kostnaden. Det bør derfor snarast etablerast ein modell som gjer at det løner seg for fylkeskommunar å stille tøffe miljøkrav og trygge arbeidsplassar og næringsliv.»

Fylkestinget tok stilling til om forslaget skulle realitetsbehandlast på slutten av tingsetet.

Det var 55 representantar til stades.

Fylkestinget vedtok samrøystes å realitetsbehandle forslaget og vedtok deretter samrøystes forslaget.

Vedtak

Uttale: Det bør løne seg å gå foran

Med elektrifiseringa av ferjesambanda gjennomfører fylkeskommunen eit taktskifte i klimaarbeidet i Hordaland. Dei nye miljøvenlege ferjene vil redusere klimagassutsleppa med 90 prosent frå 2021. Miljøsatsinga på ferjer medfører dessutan halvering av fylkeskommunen sitt samla klimagassutslepp.

Det grønne skiftet har likevel ei bakside, og det er kostnaden. Dei nye ferjekontraktane har vesentlege økonomiske konsekvensar både på drifts- og investeringsbudsjettet. For 2018 aukar ferjebudsjettet med nær 50 mill. kr samanlikna med 2017. Resten av ferjesambanda får nye kontraktar frå 2020 og kostnaden vil då auka med ytterlegare 241 mill. kr.

Med elektrifiseringa av ferjesambanda har Hordaland gått foran og bana veg for ein teknologirevolusjon som både gir betre miljø, fleire arbeidsplassar og styrkt næringsliv. Hordaland fylkeskommune kan ikkje sitte aleine med denne kostnaden. Det bør derfor snarast etablerast ein modell som gjer at det løner seg for fylkeskommunar å stille tøffe miljøkrav og trygge arbeidsplassar og næringsliv.

UTDELING AV STIPEND OG PRISAR – 12. og 13.12.2017

Stipenda og prisane vart delt ut av leiaren av utval for kultur, idrett og regional utvikling, Beate Husa.

Utviklingsstipend innan gateaktivitet

Hordaland fylkeskommune sitt utviklingsstipend innan gateaktivitet 2017 vart tildelt BergenStyleBombers.

I 2015 var gruppa B-Funky med i UKM, og dei gjekk heile vegen til landsmønstringa i Trondheim. Dei 5 dansarane i B-Funky jobbar fortsatt saman, men no under namnet BergenStyleBombers. Dei har laga eit nettverk av breakdansarar, rapparar, DJ'ar og visuelle kunstnarar.

Stipendet på kr 30.000,- er nytt frå 2017. Målet med stipendet er å gje ein person, ei gruppe eller eit miljø høve til å vidareutvikle seg innan den aktuelle aktiviteten, og vere ein stimulans til vidare satsing. Stipendet kan nyttast til inspirasjonsreiser, utstyr, kurs eller anna knytt til utviklinga av søkjaren sin aktivitet.

Særlege idrettsprestasjonar

Hordaland fylkeskommune si utmerking for særlege idrettsprestasjonar 2017 vart tildelt:

Håvard Lorentzen	Skøyter Sølvmedalje sprint	VM Calgary, Canada 2017
Sverre Lunde Pedersen	Skøyter Bronsemedalje lagtempo	VM Gangneung, Sør-Korea
Sindre Henriksen	Skøyter Bronsemedalje lagtempo	VM Gangneung, Sør-Korea
Kristoffer Brun	Roing Bronsemedalje singlesculler lettvekt	VM Sarasota, USA
Kristian Blummenfelt	Triatlon Sølvmedalje	VM Rotterdam, Nederland
Olina-Karin Fossdal	Kickboksing Bronsemedalje Kicklight - 60kg	VM Budapest, Ungarn
Daniel Svae Andersen	Aquabike Gullmedalje Ski GP 2	VM Porto Cesereo, Italia
Madeleine Lind	Taekwondo Gullmedalje lagmønster Sølvmedalje mønster 2. dan Bronsemedalje tradisjonell sparring mix	VM Dublin, Irland
Marielle Lind	Taekwondo Bronsemedalje tradisjonell sparring mix	VM Dublin, Irland
Magomed Naurdinov	Taekwondo Bronsemedalje lagmønster	VM Dublin, Irland
Espen Drange	Taekwondo Bronsemedalje mønster 3. dan Bronsemedalje lagmønster	VM Dublin, Irland
Trine Hammerø	Taekwondo Gullmedalje lagmønster	VM Dublin, Irland
Vegard Liseth	Aquabike Sølvmedalje pro/am Ski Lite	VM Lake Havasu City, USA

Hordaland fylkeskommune si markering av særlege idrettsprestasjonar er ei utmerking som heng svært høgt. Det er idrettsprestasjonen som kvalifiserer utøvarane til en slik utmerking. Kravet er medaljeplassering i verdsmeisterskap eller olympiske leikar. Verdsrekordar og siger i verdscupen samanlagt kvalifiserer også til fylkeskommunen si utmerking. Utøvarane må representere ein klubb frå Hordaland.

Utviklingsstipend i idrett

Hordaland fylkeskommune sine utviklingsstipend i idrett for 2017 vart tildelt:

Sven Martin Skagestad, 1995	Friidrett - diskos	IL Norna-Salhus
Marte Heggertveit, 1999	Svømming - para	Bergenssvømmerne
Martin Roe, 1992	Friidrett, 10 kamp	IL Fri
Casper Stornes, 1997	Triatlon	Askøy sykkel og triatlonklubb
Anna Dorthea Espevik, 1998	Styrkeløft	Odin Styrkeløftklubb

Kvart stipend er på kr 30 000.

Fylkeskommunen sine utviklingsstipend innan idrett kan tildelast einskildutøvarar. Ein person kan berre få slikt stipend ein gong. Målet med stipenda er å gje mottakarane stimulans og høve til vidareutvikling i si idrettsgrein. Ved tildelinga av stipend vert det lagt vekt på: idrettsprestasjonar, potensial og planar for vidare satsing innan idretten.